

E I B A R

Beti ginen ANAITASUNA-ra inguratzeko asmotan, Eibarko albiste* emate honetan. Aspaldixodanik politto gehitu dira gure herrian ANAITASUNA-ren harpidedunak; izan ere, beste edozein aldizkari baino errazago irakurtzen dogu Eibarren ANAITASUNA. Ba dago beraz*, behingoan, nork irakurri; ez dirudi, ostera*, idazteko inor dagoenik.

Itxura danez, aldizkari honen zuzendariak helburu aberatsak ditue; eta lehenengoz behintzat, neurriz nahiz sakontasunez, hain maite dogun hamabosterokoa haunditzeko deben asmoa azaldu deuskue.

Haunditze eta gehitze honetan, herri guztietako albiste emale eskatu ditue; eta lotsagarria lizateke, zeregin hori betetzeko, geure herri kanpolarrosa* eta harro puzpulo honetatik inor ez agertzea. Besterik ezean, geuk dakargu aurren geure burua, buru elkartua hain zuzen; baina jakin eizue guztiok, hiru xemakoan* salgai dagoela puestoa. Ez ote dago inor gazteen artean, neska nahiz mutil, lan apurtxo bat egiteko prest legokenik? Ea ba!

Gainera, ez da hau bakoitzak bere gain bakarrik hartu leiken lana. Taldeka egin geinkena da, eta beharbada errazago eta onuragarriago. Horra hor Elgoibarren «Marisabel» deritxon taldea, 12-12 laguneko talde behargina*, beharginik bada. Eta oraingoan behintzat, neurri neurrian datorkigula Eibarko berba hau uste dogu. Euskal arazoetan lana baino beharra baitago.

Noiz guk, Eibarren, horren talde prestu bat? Elgoibartarrak baino lau bider gehiago el gara Eibartarrok; eta, hala ere, inoiz ere hiru katu galdu bildu* ezinik.

Alfabetatze taldeetatik sortu behar jakuz behargin berriak. Hirurogeiren bat alfabetatze ikasaldi jarraituak dira. Non dira horreek? «Etxean sartuta, bildurrak eraginda», Xabier Letek esango ebanek? Jakin edo ikasi daben guztia gutxi bada ere, eurentzat bakarrik ikasi ote dabe? Ez ote dauke ezer esatekorik, ezer eskaintzekorik*?

Ea ba, apurka apurka inor agertzen dan, luma berriak azaltzen diren, aurpegi berriak ikusten ditugun, eta beti gauza berdinak esateko premiarik ez dogun.

Eibarko albiste emallerik bai ala?

«Chapurreado»

Oraintsu, Eibarren bizi dan Oñatiar batek, Aurrezki Kutxak zozkatutako etxe bat irabazi dau. Donostiako eguneroko guztiek aipatu dabe berri hau eta Oñatiarrarekin eukitako elkarrizketa ere bai. Ez daukagu ba bere izena ezkatatu beharrik, ia ia etxe-ko egin jaku ta. «L. T.» izenpetzen dauan periodista moduzko batek prestatutako elkarrizketa irakurria dogu. Hona hemen Eibartarrok dagozkigun berba batzuk: «La Señorita Jesusa Ugarte habla el euskera formidablemente, aunque empieza a dejarse influir por el «chapurreado» de Eibar.»

Hauxe hau! L. T. fenomeno horrek ba ote daki euskeraz, eta oñatiarra eta eibartarra gonbaratzeko lain* bai? Onenean ere, astean behin euskeraz egiten daben Donostiar horreetariko bat izango da. Hamar t'erdietako mezan «ogi zerutik etorria» kantatzen dabenetarikoa hain zuzen. Poliki poliki, goxo goxo, hori bai. Gutxi, baina ongi.

Haurrentzat

Irailaren* 15-ean, San Pio X, San Andres eta Karmeldarren parrokiatan, «Katekesi eta haurren* kultura» deritxoen ikasaldi batzuk hasiko dira, hiru, lau eta bost urtetako umeentzat.

Euren seme-alabak ikasaldi honeetara bidaldu nahi daben gurasoek, alpatutako edozein parrokiatara telefonoz deitu daik. Bertan emango deutsee ikasaldiei buruzko gura dituen xehetasunak.

Parrokia berria

Eliza amak uste dauanez, sei mila lagun baino gehiago elkartzen dituen parrokiak ez el dira egokiak. Horrelakoetan Parroko jaunak ez el dau parrokiarrak ondo ezagutzerik, ezta bere eginbeharra ondo betetzerik ere.

Horrela, San Andres parrokia haundiegia dala ta, Donostiako Gotzainaren aginduz, parrokia berri bat izango dogu hemendik aurrera, herriko bosgarrena, San Agustin izeneko parrokia hain zuzen.

San Andres parrokiak lasaltasun demasa* hartuko dau, orain arte euki dituan edozenbat* kale parrokia berriak hartuko ditu bere gain eta. Alegia*, Jardinak, Matxari (baserri ta guzti), Ez-tazino kalea, Ibarkurutz, Pagel, Maria Angela (gehiena), Fundidores (eskuinaldea), Bidebarrieta (zati bat) eta San Agustin kale osoa.

Parrokotzat Balbino Ayerbe izendatua izan da, oraindano San Pio X. parrokiako koadjutore izandakoa. Aurrez geure zorion beroena Balbino jaunari; eta ez izendatze horregatik bakarrik, baita parrokia berriaren albistea erdal egunerokoetan